

ՀՀ ՎԱՐՉԱԿԱՆ ԴԱՏԱՐԱՆԻՆ

Երևան, Գարեգին Նժդեհի 23.

Հայցվոր՝

«Ինֆորմացիայի ազատության կենտրոն»

հասարակական կազմակերպություն

Նախագահ՝ **Շուշան Դոյրոյան**

ՀՎՀ՝ 02568394

ՊՁՎ՝ թիվ 211 171 01863

Հասցե՝ Երևան, Պուշկինի փ.3Ա

Հեռ. 010.578356, e-mail: foi@foi.am

Ներկայացուցիչ՝

Կարեն Մեժլումյան

Արտոնագիր՝ 110

Հասցե՝ Երևան, Արշակունյաց 17

Հեռախոս՝ 44-03-33, 091-42-67-25

Էլ-փոստ, e-mail: k_mezhlumyan@mail.ru

Պատասխանող՝

Արաբկիրի թաղապետարան

Հասցե՝ Երևան, Ն. Ջարյան 27

«___» սեպտեմբերի 2008թ.

Հ Ա Յ Ց Ա Դ Ի Մ ՈՒ Մ

Ճանաչման և գործողության կատարման հայց

Տեղական ինքնակառավարման մարմնի գործողությունները ոչ իրավաչափ ճանաչելու և որպես հետևանք տեղեկատվություն տրամադրել պարտադրելու պահանջի մասին

1. Փաստերը որոնց վրա հիմնված է հայցապահանջը.

«Ինֆորմացիայի ազատության կենտրոն» հասարակական կազմակերպությունը 30.07.2008թ-ին հետևյալ բովանդակությամբ տեղեկատվություն ստանալու հարցում է ներկայացրել Արաբկիր թաղային համայնքին. «Ղեկավարվելով ՀՀ Սահմանադրության 27 և 27.1 հոդվածների և «Տեղեկատվության ազատության մասին» ՀՀ օրենքի 6-րդ հոդվածի դրույթներով՝ խնդրում ենք տրամադրել հետևյալ տեղեկությունը.

1. Արաբկիր համայնքին սեփականության իրավունքով քան՞ի բնակարան է պատկանում (այդ թվում համայնքի հաշվեկշռում քան՞ի բնակարան է գրանցված), որոնցում բնակվում են այն բնակիչները, որոնք չեն սեփականաշնորհել իրենց բնակարանները:
2. Խնդրում են հայտնել այդ բնակարանների հասցեները:
3. Աջափնյակի թաղապետարանը քան՞ի հայց է հարուցել սեփականության իրավունքով համայնքին պատկանող վերը նշված բնակարաններից բնակիչներին վտարելու պահանջով:
4. Խնդրում ենք, ներկայացնել այդ դատական գործերի ելքի մասին տեղեկատվություն (քանի՞սն է բավարարվել, քանի՞սը՝ մերժվել):

«Տեղեկատվության ազատության մասին» ՀՀ օրենքի 9-րդ հոդվածի համաձայն՝ տեղեկություն ստանալու գրավոր հարցմանը պատասխան տրվում է այն ստանալուց հետո 5-օրյա ժամկետում:

Ուստի, խնդրում եմ տեղեկություն ստանալու հարցումին պատասխանել օրենքով սահմանված ժամկետներում:

Տեղեկատվության տրամադրումը մերժելու դեպքում խնդրում եմ գրավոր տեղյակ պահել մերժման հիմքի մասին (հոդված 11)»:

Նշված փաստը հաստատվում է հարցման օրինակով և պատասխանողի՝ 06.08.2008թ. թիվ 25/01-4-1134 պատասխանով:

Արաբկիրի թաղապետարանը 06.08.2008թ. գրությամբ մերժել է հարցվող 4 տեղեկություններից 2-ի մասին տեղեկատվության տրամադրումը, այն է՝ տեղեկատվություն չի տրամադրել այն մասին, թե Արաբկիր համայնքին սեփականության իրավունքով քան՞ի բնակարան է պատկանում (այդ թվում համայնքի հաշվեկշռում քան՞ի բնակարան է գրանցված), որոնցում բնակվում են այն բնակիչները, որոնք չեն սեփականաշնորհել իրենց բնակարանները, ինչպես նաև չի հայտնել այդ բնակարանների հասցեները:

Նշված փաստը հաստատվում է պատասխանողի 06.08.2008թ. թիվ 25/01-4-1134 գրությամբ:

Արաբկիրի թաղապետարանի 06.08.2008թ. թիվ 25/01-4-1134 պատասխանը «Ինֆորմացիայի ազատության կենտրոն» ՀԿ-ն ստացել է 23.08.2008թ-ին:

Նշված փաստը հաստատվում է ծրարի պատճենով, որի վրա առկա է 22.08.08թ. թվագրմամբ փոստային բաժնի կնիքը, որից հետո էլ այն ստացել է «Ինֆորմացիայի ազատության կենտրոն» ՀԿ-ն:

2. Հայցապահանջի իրավական հիմնավորումը

ՀՀ Սահմանադրության՝

- 27 հոդվածի 2-րդ պարբերության համաձայն. *«Յուրաքանչյուր ոք ունի խոսքի ազատության իրավունք, ներառյալ տեղեկություններ և գաղափարներ փնտրելու, ստանալու, տարածելու ազատությունը, տեղեկատվության ցանկացած միջոցով՝ անկախ պետական սահմաններից».*

- 27.1 հոդվածի համաձայն. *«Յուրաքանչյուր ոք ունի իր անձնական կամ հասարակական շահերի պաշտպանության նկատառումներով իրավասու պետական և տեղական ինքնակառավարման մարմիններին և պաշտոնատար անձանց դիմումներ կամ առաջարկություններ ներկայացնելու և ողջամիտ ժամկետում պատշաճ պատասխան ստանալու իրավունք»:*

Սահմանադրությամբ երաշխավորված վերը նշված իրավունքներն առարկայանում են նաև «Տեղեկատվության ազատության մասին» ՀՀ օրենքում, որի 6 հոդվածի 1-ին մասի համաձայն. *«Յուրաքանչյուր անձ իրավունք ունի ծանոթանալու իր փնտրած տեղեկությանը (կամ) դա ստանալու նպատակով օրենքով սահմանված կարգով հարցմամբ դիմելու տեղեկատվություն տնօրինողին և ստանալու այդ տեղեկությունը»:*

Ի խախտումն Սահմանադրությամբ երաշխավորված հայցվորի իրավունքների ու պատասխանողի պարտականության, պատասխանող Արաբկիրի թաղապետարանը հրաժարվել է պատասխանել, թե Արաբկիր համայնքին սեփականության իրավունքով քան՞ի բնակարան է պատկանում (այդ թվում համայնքի հաշվեկշռում քան՞ի բնակարան է գրանցված), ինչպես նաև հրաժարվել է հայտնել այդ բնակարանների հասցեները, պատճառաբանելով, որ այդ տեղեկությունները կարող ենք ստանալ համատիրություններից:

Գտնում եմ, որ նման պատճառաբանությամբ պահանջվող տեղեկատվության տրամադրումը մերժելն անհիմն է, դրանով խախտվում են հայցվորի սահմանադրական իրավունքները, քանի որ համատիրությունները չեն, որ պետք է տեղեկատվություն տրամադրեն

համայնքին պատկանող սեփականության մասին:

Այսպես, «Տեղեկան ինքնակառավարման մասին» ՀՀ օրենքի 16 հոդվածի 29 կետի համաձայն՝ համայնքի ավագանին սույն օրենքով սահմանված կարգով հաստատում է համայնքի սեփականության ամենամյա գույքագրման փաստաթղթերը, ինչը նշանակում է, որ համայնքի սեփականությունն ամեն տարի գույքագրվում և հաստատվում է ավագանու կողմից, այսինքն սեփականության վերաբերյալ տեղեկությունը պահպանվում է տեղական ինքնակառավարման մարմին թաղապետարանում, որն էլ պարտավոր է տրամադրել սեփականության վերաբերյալ պահանջվող տեղեկատվությունը, ինչը չկատարելով խախտել է հայցվորի սահմանադրական իրավունքները:

Վերոգրյալից ելնելով և ղեկավարվելով ՀՀ վարչական դատավարության օրենսգրքի 11 գլխի պահանջներով՝

Խնդրում եմ՝

1. Ոչ իրավաչափ ճանաչել Երևան քաղաքի Արաբկիր թաղապետարանի այն գործողությունները, որոնցով մերժվել է տեղեկատվություն տրամադրել այն մասին, թե Արաբկիր համայնքին սեփականության իրավունքով քանի բնակարան է պատկանում (այդ թվում համայնքի հաշվեկշռում քանի բնակարան է գրանցված), ինչպես նաև հայտնել այդ բնակարանների հասցեները:

2. Պարտավորեցնել Երևան քաղաքի Արաբկիր թաղապետարանին հինգօրյա ժամկետում տրամադրելու տեղեկատվություն այն մասին, թե Արաբկիր համայնքին սեփականության իրավունքով քանի բնակարան է պատկանում (այդ թվում համայնքի հաշվեկշռում քանի բնակարան է գրանցված), ինչպես նաև հայտնելու այդ բնակարանների հասցեները:

3. Արաբկիրի թաղապետարանից հօգուտ «Ինֆորմացիայի ազատության կենտրոն» ՀԿ-ի բռնագանձել 4000 դրամ պետական տուրքի գումարը:

Կից ներկայացվում եմ՝

1. Պետական տուրքի վճարման անդորրագիր.
2. Լիազորագիր.
3. Հարցման օրինակը,
4. Պատասխանը,
5. Ծրար

«Ինֆորմացիայի ազատության կենտրոն» ՀԿ նախագահ՝

Շուշան Դոյրոյան

Լիազոր ներկայացուցիչ՝

Կարեն Սեփումյան